



# মন নেই ভালো

শুভ পত্র  
অবসরপ্তৰ





## মন ভালো নেই

### সূচিপত্র

বেলা গেল ৪৭, মন ভালো নেই ৪৭, বাসনা আমার ৪৮, নবাঞ্জতে ফিরে গেছে  
কাক ৪৯, বনমর্মর ৪৯, ভ্রমণ কাহিনী ৫০, দূরের বাড়ি ৫১, দেহতন্ত্র ৫২,  
লাইব্রেরিতে ৫৩, বর্নার পাশে ৫৪, কবিতা মৃত্তিমতী ৫৫, শিশুরক্ত ৫৬, নির্বোধ  
৫৬, ছায়ার জন্য ৫৭, তোমার কাছেই ৫৭, জলের কিনারে ৫৮, কিছু পাপ ছিল  
৫৯, শূন্যতা ৫৯, চরিত্রের অভিধান ৫৯, অন্য ভ্রমণ ৬১, চুপ করে আছি তাই  
৬২, বিদায় ও বিশ্বাস্তি ৬৩, লোকটি ৬৩, ধ্যানী ৬৪, যাত্রা ৬৭, শরীরের ছায়া  
৬৭, শীত এলে মনে হয় ৬৮, পথের রাজা ৬৯, দুঃখ ও জানে না ৭০, ঘুরে  
বেড়াই ৭০, তোমার খুশির জন্য ৭১, এখনো সময় আছে ৭২, সে কোথায় ৭৩,  
ছবি খেলা ৭৪, চাসনালা ৭৫, ভাই ও বন্ধু ৭৬, প্রবাস ৭৭, সুন্দরের পাশে ৭৮,  
তুমি জেনেছিলে ৭৯, প্রতীক্ষায় ৭৯, সেদিন বিকেলবেলা ৮০, সে কোথায়  
যাবে ? ৮০, তমসার তীরে নগ শরীরে ৮১, যে আমায় ৮২, স্বপ্নের কবিতা ৮৩,  
জেনে গেছি ৮৩, হলুদ পাথিরা ৮৪, আমার গোপন ৮৫, জল বাড়ছে ৮৬

## বেলা গেল

যাবার কথা ছিল ফেরার পথ নেই  
এখন বেলা গেল ।  
দেখেছি নিম্যুলে বসেছে মৌমাছি  
এখানে মধু আছে ?  
দেখেছি বিশাদের দীর্ঘ তটরেখা  
তবুও দিন ছিল  
যেমন পাহাড়ের মুকুটে হেম শিথা  
এবং তার পিছে  
শিশাচী সভ্যতা ঝড়ের হল করে  
ওড়ায় পারাবত  
দেখেছি বনভূমি অগ্নিমালা পরে  
রাত্রি চমকায়  
জেনেছি মৃত্যুর আড়ালে খেলা করে  
ন্মেহের শৈশব  
যাবার কথা ছিল ফেরার পথ নেই  
এখন বেলা গেল ।

## মন ভালো নেই

মন ভালো নেই	মন ভালো নেই	মন ভালো নেই
কেউ তা বোঝে না	সকলি গোপন	মুখে ছায়া নেই
চোখ খোলা তবু	চোখ বুজে আছি	কেউ তা দেখেনি
প্রতিদিন কাটে	দিন কেটে যায়	আশায় আশায়
এখন আমার	ওষ্ঠে লাগে না	আশায় আশায় আশায় আশায়
এমনকি নারী	এমনকি নারী	কোনো প্রিয় স্বাদ
মন ভালো নেই	মন ভালো নেই	এমনকি নারী
বিকেল বেলায়	একলা একলা	এমনকি সুরা এমনকি ভাষা
কিছুই খুঁজি না	একলা একলা পথে ঘুরে ঘুরে	মন ভালো নেই
	কোথাও যাই না	পথে ঘুরে ঘুরে
		কাঙকে চাইনি

আমিও মানুষ	আমার কী আছে	কিছুই খুঁজি না কোথাও যাই না অথবা কী ছিল
ফুলের ভিতরে	বীজের ভিতরে	আমার কী আছে অথবা কী ছিল যুগের ভিতরে
মন ভালো নেই	মন ভালো নেই	যেমন আগুন আগুন আগুন আগুন মন ভালো নেই
তবু দিন কাটে	দিন কেটে যায়	আশায় আশায় আশায় আশায় আশায় আশায় আশায় আশায়... আশায় আশায়...

## বাসনা আমার

যতদিন পারি আমার নীল পেয়ালায়  
 পান করে যাবো ক্ষণিকের কৌতুক  
 বাসনা আমার, হে মর্ত্য লোভী বাসনা,  
 বিশাল ডানায় সন্ধ্যা যে মধুভূক  
 বিহঙ্গমের বন্দনা গান গায়—  
 বাসনা আমার, হে মর্ত্য লোভী বাসনা,  
 তাকে কি পারি না দিতে আমি যৌতুক  
 এই পৃথিবীটা নিত্য অবহেলায়  
 বারে বারে ভরে অনিত্য নীল পেয়ালা !

কোথাও পাহাড়ে আগুন জ্বলেছে কেউ  
 মাদলে দ্রিমিক দূর থেকে শোনা যায় ।  
 চিঠিবাহী উড়ো জাহাজে মেঘের ঢেউ  
 পাগলা ঘটি বাজে কি জেলখানায় ?  
 নগরে বাজারে স্বর্ণ লোভীর ফেউ  
 সোনালি রৌদ্র কাঞ্চনজঙ্ঘায় !

আমি কেউ নই সম্মিলিত এ সুরে  
 যারা কাছে ছিল তারা আজ বহুদূরে  
 টেলিপ্রিন্টারে ছিম্বিম্ব পৃথিবী  
 সকলেই বলে, কী দিবি, কী দিবি, কী দিবি ?

বাসনা আমার, হে মর্ত্য লোভী বাসনা,  
তুমি কি এখনো নিরালায় ভালোবাসো না  
পান করে যেতে ক্ষণিকের কৌতুক ?  
সাথী কেউ নেই ? আয়নায় কার মুখ ?

নবান্নতে ফিরে গেছে কাক

কোকিল কি ডেকে উঠেছিল ?  
সে ভালো করেনি  
তখন যে কথা ছিল  
নতুন ধানের সুগন্ধের !  
নবান্নতে ফিরে গেছে কাক !

বৃষ্টির ফোটা কি ঝঁই ফুল ।  
ঠিক যে মেলে না  
বাঁধ ভেঙে ঢুবেছে প্রাচীন  
শিশুটিও ঢুবে গেছে বানে

দূরে কারা হঁটে ফিরে যায়  
কাছে কি কখনো আসবে না ?  
হাস্তানাতে দেখি সাপ  
পাপ নেই কাগজে কলমে

কোকিল কি ডেকে উঠেছিল ?  
সে ভালো করেনি  
নবান্নতে ফিরে গেছে কাক ।

বনমর্মর

সেই পথ দিয়ে ফিরে যাওয়া  
পড়ে আছে, মিহিন কাচের মতন জ্যোৎস্না  
শুকনো পাতার শব্দ এমন নিঃসঙ্গ

সেই সব পাতা ভেঙে

ভেঙে ভেঙে ভেঙে ভেঙে চলে যেতে  
যেতে যেতে যেতে যেতে

বাতাসের স্পর্শ যেন কার যেন কার যেন কার  
যেন কার ?

মনেও পড়ে না ঠিক যেন কার নরম অঙ্গুলি  
এই মুখে, ঝংক মুখে, আমার চিবুকে, এই  
কর্কশ চিবুকে  
ঠোঁটে, ঠোঁটের ওপরে, এবং ঠোঁটের নিচে  
চোখের দু'পাশে যে কালো দাগ  
সেখনেও

যেন কার, যেন কার কোমল অঙ্গুলি  
কপালে হিঙ্গল টিপ, নীলরঙ হাসি  
পেছনে তাকাই আর দেখা যায় না  
জ্যোৎস্না নেই, বোবা কালা অঙ্ককার  
শুকনো পাতার শব্দ...  
সেই পথ দিয়ে ফিরে যাওয়া, ফিরে যেতে যেতে যেতে ।

## ভ্রমণ কাহিনী

আমার খুব কুচবিহার যেতে ইচ্ছে হয়  
কেননা কুচবিহারের প্রতিটি শিশুর মুকুটে সাপের মাথার মণি  
আমার ইচ্ছে করে আমি ওদের ব্রতচারীর সঙ্গী হই ।  
কুচবিহারের প্রেতজ্ঞায়া গাছে গাছে ঠিকানা লেখা চিঠি ঝুলছে  
হনুদ পোশাক পরা যৌবন ওখানে মধ্য রাত্রির চাঁদের তলায় এসে  
পাশা খেলো  
কুচবিচারের ভূমধ্যহন্দ থেকে ছিটকে ওঠে অশ্বমেধের ঘোড়া  
আমার দিকে হ্রেয়ার হাস্য ছুড়ে দেয়  
আমি তর্জনীতে আঙুলে ঠেকিয়ে বলি, চৃপ, আমি যাচ্ছি ।  
রবীন্দ্রনাথের প্রচার সচিবের চাকরি নিয়ে বিশ্বব্রহ্মাণ্ড ঘূরতে ঘূরতে  
আমার একদিন ইচ্ছে করে কুচবিহার যেতে  
ওখানকার জ্যোতির্ময় বিকেলবেলায় সবুজ মখমলে শুয়ে  
ক্রমশ হারিয়ে যাই

କୁଟବିହାରେ ନ୍ୟାସପାତି ଗାଛେ ବସା ପାଥିର ଏକଟା ପାଲକେର ଜନ୍ୟ  
ଆମାର ସମସ୍ତ ଛେଳେବେଳାର ଦୁଃଖ ମୁଢ଼େ ଓଠେ  
ଅଭିମାନେ ଇଚ୍ଛେ ହୁଯ ରେଲଲାଇନ ଉପରେ ଲଣ୍ଡବଣ୍ଡ କରତେ,  
ବିରଞ୍ଜ କୋନ ଚାଯୀକେ ସେଚକାର୍ଯ୍ୟେର ଜନ୍ୟ ଆମି ଆମାର ଢୋଖେର  
ଜଳ ଧାର ଦିତେ ଚାଇ ।

କୁଚବିହାରେର ନାରୀରା ସ୍ଵର୍ଗେର ଖୁବ କାହାକାହି ବଲେ ଉଡ଼ିଛ ଯୌବନା  
 ଜଳପରୀର ମତନ ତାରା ଆମାକେ ଏକମୁହୂର୍ତ୍ତରେ ମାୟା ଦେବେ ବଲେଛିଲ ।  
 ତାରା 'ଆନି ମାନି ଜାନି ନା ପରେର ଛେଲେ ମାନି ନା' ଖେଲତେ ଖେଲତେ  
 ଆମାକେ ଏସେ ଛୁଯେ ଦିଲ  
 ତାରା ଆମାକେ ତାଦେର ବିଶାଳ ଉରସେ ଜଡ଼ିଯେ ଧରେ ବଲଲୋ,  
 ତୁମି ଖେଜୁର ଗାଛ କିଂବା ଶଜାର—ତା ଜାନି ନା  
 ଆମାଦେର ଛେଯାଯ ସବେଇ ଦେବଦାଙ୍କ ।

দুরের বাড়ি

অঙ্ককার প্রান্তরের মধ্যে শুধু একটি  
 আলো-বৃত্তা বাড়ি  
 রাত্রির সময়ে জাহাজের মতন, ছাঠাং  
 মনে হয় সভিই ভাসমান  
 বাড়িটির প্রতিটি ঘরে উজ্জ্বল বিদ্যুৎ,  
 কিংবা হাজার হাজার ঝাড়লঠন—  
 অথচ ওখানে যাবার কোনো  
 পথ নেই  
 এত অঙ্ককার, এত নিঃসঙ্গ, হারিয়ে-যাওয়া  
 প্রান্তরের মধ্যে  
 ঐ বাড়িটি কেন ? কেন ? দূরে গাছের নিচে  
 দাঁড়িয়ে আমি কোনো  
 উত্তর পাই না !

## দেহতত্ত্ব

কী ঘর বানাইছে দ্যাখো সাহেব কোম্পানি  
এক অঙ্গে লক্ষ মুখ শতেক বাখানি  
কী ঘর বানাইছে দ্যাখো সাহেব কোম্পানি ।

ঘরের মধ্যে অগ্নিকুণ্ড ঘরেই পুষ্টিরিণী  
তারই মধ্যে উথাল পাথাল ঘরের মানুষ যিনি  
আহা কী ঘর বানাইছে দ্যাখো...

ঘরে ভোমরা শুনগুন করে ঘরে ডাকে ময়না  
আর চক্ষের জলে হাপুস হপুস ঘরে কেহই রয় না  
আহা কী ঘর বানাইছে...

ঘরে ইন্দুর ঘূরঘূর করে বিড়ালে ধায় পিছে  
আর ইন্দুর বিড়াল দুই বক্ষ একসঙ্গে হসিছে  
আহা কী ঘর...

ঘরের শোভার নাই তুলনা রোশনি হাজার হাজার  
ঘরের মধ্যে নিউ মারকিট ঘরেই চোরাবাজার  
আহা....

ঘরের দেয়াল ফজবেনে প্রলয় নাচে বাইরে  
সুনীল ক্ষ্যাপা কয়রে আমি তাইরে নাইরে নাইরে  
আমি তাইরে নাইরে নাইরে

## রাজকুমারী

ভোরে উঠে মুখ দেখি রাজকুমারীর  
ঠৈঠে প্রজাপতি রং  
এত অনভিজ্ঞ চোখ শুধু ভোরবেলা দেখা যায়  
বারান্দায় দাঁড়ালো সে  
শৌখিন মাঝিকে হাতছানি দিতে  
সংবাদপত্রেরও আগে কলকাতার অস্পষ্ট প্রত্যুষ  
তার চুলে শোভা দেয়  
এবং সূর্যেরও সাথ হয় ঝুঁয়ে দিতে !

আমি তো দর্শক নিষ্পলক  
রাজকুমারীর আলো মেঝে নিই চোখে মুখে  
সারা গায়ে  
শুধু মনে হয়, কোন দেশ ? কোন দেশ ?

## লাইব্রেরিতে

লাইব্রেরির মধ্যে কেন পড়েছিল অর্ধবোনা উল ?  
আপন মনেই যেন বলটি গড়িয়ে পড়ে ভুঁয়ে  
এখানে সবাই অশরীরী  
এখানে অরণ্য  
একটি বা দুটি রৌদ্র বর্ণ হয়ে ফুঁড়ে আছে  
মনীষার দীর্ঘশ্বাস এখানে বাতাস ।

উলের বলটি খুব নিঃশব্দে লাফিয়ে যায় অঙ্ককারে  
পড়ে থাকে রক্তবর্ণ রেখা  
ফরফর আওয়াজে ওড়ে একটি বইয়ের পাতা  
যেন কিছু জ্ঞানবার আছে  
গ্রহকীটি ডুবে থাকে লবণ সাগরে  
চার্বাকপথীরা হাততালি দেয়  
বাইজেন্টাইন সভ্যতার ঘূরে যায় ঘাড় ।

বাইরে থেকে ফিরে এসে দুটি হাত

তুলে নেয় কাটা

গাঢ় চাহনির মধ্যে কৌতুক বিশ্ময়  
অতৃপ্তি আঘাতে তাকে ছুঁতে চেয়ে এখন নীরব  
নরম বুকের কাছে কাঞ্জনিক চূমু !  
চেয়ারে. বসার আগে সে দু'বার দু'দিকে ঘুরেই  
আচম্বিতে দেখে নেয়

সারা অঙ্গে জড়ানো পশম

ঠিক যেন ল্যাবিরিন্থে ঢোকার বিখ্যাত সতর্কতা  
গ্রীস রোম তৎক্ষণাত ধন্যবাদ দিল  
রাজকুমারীর মতো সে এখন কোন্ যুদ্ধে যাবে ?

### ঝর্নার পাশে

ঝর্নায় ডুব দিয়ে দেখি নিচে একটা তলোয়ার  
একটুও মর্চে পড়েনি, অতসী ফুলের মতো আভা  
আমার হাতের ছৌঁয়ায় হঠাতে ভেঙে গেল তার ঘূম  
তুলে নিয়ে উঠে আসি, চুপ করে বসে থাকি কিছুক্ষণ  
কাছাকাছি আর কেউ নেই

যেন ঝর্নাটাই আমার হাতের মুঠোয়, রৌদ্রে দেখছি  
ঘুরিয়ে ফিরিয়ে

মাঝে মাঝে এক একটা বিলিকে চোখ ঝলসে যায়  
মনে হয় না বহু ব্যবহৃত, ঠিক কুমারীর মতন  
কোথাও ঘোড়ার ক্ষুর বা রজ্জের দাগ নেই,

শাস্ত বনস্থলী

মাঝে মাঝে অনৈতিহাসিক হাওয়া  
একটি মৌটুসী খুব ডাকাডাকি করছে তার সঙ্গনীকে  
জলের চঞ্চল শব্দ তাকে সঙ্গতি দেয়  
আমার চোখের সামনে হ্রস্ব করে পিছিয়ে যেতে

থাকে সময়

কয়েকটি শতাব্দী গাছের শুকনো পাতার মতন উড়তে থাকে  
সেই রকম একটা শুকনো পাতা ভেঙে গুঁড়িয়ে  
নাকের কাছে এনে গঞ্জ শুঁকি

মনে পড়ে, অথচ ঠিক মনে পড়ে না  
শুকনো পাতাগুলি আমি নৌকোর মতন ভাসিয়ে দিই  
বন্ধুর জলে ।

## কবিতা মূর্তিমতী

শুয়ে আছে বিছানায়, সামনে উশুক্ত নীল খাতা  
উপুড় শরীর সেই রমণীর, খাটের বাইরে পা দুখানি  
পিঠে তার ভিজে চুল

এবং সমুদ্রে দুটি ঢেউ  
ছায়াময় ঘরে যেন কিসের সুগন্ধ,  
জানালায়  
রৌদ্র যেন জলকণা, দূরে নীল নক্ষত্রের দেশ ।

কী লেখে সে, কবিতা ? না কবিতা রচনা করে তাকে ?

সে বড় অঙ্গির, তার চোখে বড় বেশি অঙ্গু আছে  
পাশ ফেরা মুখখানি—

এখন স্তুতা মূর্তিমতী  
শাড়ির অমনোযোগে কোমরের নগ বারান্দায়  
একটি পাহাড়ী দৃশ্য  
সবুজ সতেজ উপত্যকা  
কেন বা নদীও নয় ? অথবা সে অপার্থিবা বুঁধি !

কী লেখে সে, কবিতা ? না কবিতা রচনা করে তাকে ?

নগরে হঠাতে বৃষ্টি, বৃষ্টিতে দুপুর ভেসে যায়  
সে দেখেনি, সে শোনেনি কোনো শব্দ  
যেন এক ধীপ  
যেখানে হলুদ বর্ণ রক্তিমকে নিমজ্জনে ডাকে  
অথবা সে জলকণ্যা,  
দু' বাহতে হীরকের আঁশ

ক্রমশ উজ্জল হয়, আঙুলে কলম চিরাপিত  
কী লেখে সে, কবিতা ? না কবিতা রচনা করে তাকে ?

### শিশুরক্তি

বাসেল, অবোধ শিশু, তোর জন্য  
আমিও কেঁদেছি  
থোকা, তোর মরহুম পিতার নামে যারা  
একদিন তুলেছিল আকাশ ফাটানো জয়ঘরনি  
তারাই দু'দিন বাদে থুতু দেয়, আগুন ছড়ায়—  
বয়স্করা এমনই উন্মাদ !  
তুই তো গঞ্জের বই, খেলনা নিয়ে  
সবচেয়ে পরিচ্ছম বয়েসেতে ছিলি !  
তবুও পৃথিবী আজ এমন পিশাচী হলো  
শিশুরক্তিপানে গ্লানি নেই ?  
সর্বনাশী, আমার ধিক্কার নে !  
যত নামহীন শিশু যেখানেই ঝরে যায়  
আমি ক্ষমা চাই, আমি সভ্যতার নামে ক্ষমা চাই।

### নির্বোধ

ওঁৱা যারা যখন তখন মরে  
তাদের জন্য মায়া কান্না কেঁদেছে কুণ্ঠীরে  
কুণ্ঠীরেরা যখন মরে তাদের জন্য কামা  
সাংবাদিকের ভাষায় ছোটে বন্যা

তুমি ভাবলে, আমি তো ভাই কানুর ইয়েয় কাঠি  
দিইনি কক্ষনো  
বরং মানবতার জন্য দিয়েছি দক্ষিণে !  
পুজোর সময় যে যায় আনতে রাঁড়-পাড়ার মাটি  
তার ঘরেই রক্ত তোলে  
বাঁচো মাসের সাথী বেশ্যাটি !

তুমি ভাবলে ঝুট ঝামেলায় যে যাবে সে যাক  
 আমি বরং আড়ালে নির্বাক !  
 শিল্প ছিল সাপের ফণা, শিল্প ছিল রোদ  
 জীবন ছিল জীবন থেকে বড়  
 সে সমস্ত গঞ্চো কথা মনে রেখেছে নিতান্ত নির্বোধ  
 ভিড়ে যাকে বলছে সবাই, হঠো ! আগে বাঢ়ো !

ছায়ার জন্য

ନଦୀର କିନାରେ                           ଦାଁଡ଼ିଯେ ରଯେଛେ ନାରୀ  
 ବିରଲେ ନିଜକେ ଦେଖା  
 କେଉ କାହେ ନେଇ                           ଛାୟା ଗେଛେ ଦୂର ବନେ  
 ନାରୀର କିନାରେ ନଦୀ ।

যে কোন সোপান স্বর্গের সিঁড়ি ভেবে  
 একজন এসেছিল  
 প্রকৃত স্বর্গ সমুখে পেয়েও তার  
 ছায়ার জন্য শোক !

তোমার কাছেই

সকাল নয়, তবু আমার  
 প্রথম দেখার ছটফটানি  
 দুপুর নয়, তবু আমার  
 দুপুরবেলা প্রিয় তামাশা  
 ছিল না নদী, তবুও নদী  
 পেরিয়ে আসি তোমার কাছে

তুমি ছিলে না, তবুও যেন  
তোমার কাছেই বেড়াতে আসা !

শ্রীষ গাছে রোদ লেগেছে,  
শ্রীষ কোথায়, মরুভূমি !  
বিকেল নয়, তবু আমার  
বিকেলবেলার ক্ষৃৎপিপাসা  
চিঠির খামে গন্ধ বকুল  
তৃষ্ণা ছোটে বিদেশ পানে  
তুমি ছিলে না, তবুও যেন  
তোমার কাছেই বেড়াতে আসা !

### জলের কিনারে

আমার মন খারাপ, তাই যাই জলের কিনার  
জল তো চেনে না, জল কঠিন হৃদয়  
বিস্মরণ মুর্তিমান হয়ে থাকে জলের গভীরে  
হায়া পড়ে ! কার হায়া ?  
যে দেখে সে নিজেও চেনে না

জলে রাখি ওষ্ঠ, যেন কবেকার সেই ছেলেবেলা  
প্রথম উরুর কাছে মুখ, বুক কেঁপে ওষ্ঠ  
প্রথম নারীর ভাণ  
আসলে তা ছেলেখেলা—আমি কাছাকাছি নারীকেই  
শৈশবে ফিরিয়ে নিয়ে  
ফুক পরা সশরীর মাঠে ছেড়ে দিই !

কোমল স্তনের পাশে অভিমান  
হালকা মেঘের হায়া  
চোখ দুটি চলচিত্র, দু'হাত বাড়িয়ে  
হাহাকার করে বলি,  
কাছে এসো !  
একবার ধরা দাও !

এসবও কল্পনা, আমি খুব কাছাকাছি নারীকেই  
শৈশবে ফিরিয়ে নিয়ে ঘন ঘোর দৃঢ়থে মেতে থাকি  
জলের কিনারে  
জল তো চেনে না, জল কঠিন হৃদয় !

## কিছু পাপ ছিল

মেহের'ভিতরে কিছু পাপ ছিল  
যেমন গ্রহের মধ্যে ঘুণ,  
বিশ্বাসের মধ্যে কোনো শাপ ছিল  
জতুগৃহে যেমন আশুন ?  
মেহ কেন জেগে ওঠে সশন্ত উত্তরে,  
বিশ্বাসও বৈরিগী হয় অঙ্ককার ঘরে !

## শূন্যতা

শূন্য খুব বিশাল যেমন পিনের মাথায় শূন্যতা  
ভালোবাসার মতন আমি শূন্যতায় পথ হাঁটি  
পথ ঘুরে যায় লেডেলক্রশিং পথ ঘুরে যায় চৌমাথায়  
পথ ঘুরে যায় হোটেল রুমে, জানলা ভাঙা ছিটকিনি—  
দেয়াল দ্যাখো দেয়াল, এই বাইরে দ্যাখো শূন্যতা

শরীর শুধু খেয়াল যেন ছেলেবেলার খুনসুটি  
শরীর দিয়ে তোমায় চেনা মধ্যে থাকে শূন্যতা

## চরিত্রের অভিধান

১ জ্ঞানী  
কোথায় তোমার রূপ, গ্রীবায় না চক্ষের মণিতে ।  
অথবা স্তন-কোরকে, উপুক্ত জঙ্ঘায়, ঠিক জানি না !

এক এক বয়েসে তুমি এক এক রূপিণী,  
তোমার না, আমার বয়েসে !  
কে আছে হেন পুরুষ, এক শরীরের রূপ  
দেখে নিতে পারে  
নিতান্ত এক জীবন, মর চক্ষে ?  
কেউ পারে না, জানি !  
অসতী দর্পিতা হলে রূপ আসে, স্ফুরিত অধরে  
ঝলসাক মিথ্যে প্রেম, মোহিনী ধূ-ভঙ্গে  
লোভ রতি প্রবণ্ডনা, জানুদণ্ড হাতে তুলে নিলে  
কবিতায়, শিল্পে তার স্থান দিতে  
হড়োহড়ি পড়ে যাবে কিনা ?

## ২ বাচাল

ওদের সবার জন্য একটা পৃথক ভূমি খুঁজে দিতে হবে  
বাচাল বুড়োর দল সারাক্ষণ  
ছেলেখেলা নিয়ে মন্ত থাকে সেইখানে ।  
সব অস্ত্রশস্ত্র নিয়ে, আগবিক, অতি দানবিক  
ফ্রেমলিন-লণ্ডন-রোম-প্যারিস-পিকিং, সাদা বাড়ি  
ঐ যে অস্তুত মুখ, উন্তেজিত ক্ষীণ মুষ্টি  
ভুলভুলে চোখ সারি সারি  
ওয়া নিজেদের জন্য তিন হাত মাটি খুঁড়ে নিক ।

## ৩ প্রতিপক্ষ

রোদ্দুর বৃষ্টির স্বাদ ঐ লোকটা  
বেশি পেয়েছিল  
বুক ভরে আজীবন ঐ লোকটা  
নিশাস নিয়েছে  
পবিত্র ঘুমের স্বাদ, সমস্ত স্বপ্নের স্বর্গ,  
স্বচ্ছ জীবনের  
সব উপভোগ থেকে আমাকে বঞ্চিত করে  
একলা ঐ লোকটা গেল বেঁচে !

চোখে চোখ রাখো বাহতে শয়ান বাহ  
 ধমনী শোনাক দুই দ্রুংস্পন্দন  
 মুখচিন্দিমা গ্রাসে ওঠের রাহ  
 পান করো এই দেহের তীব্র অমিয়  
 স্মৃতি যেন পায় রক্তবীজের আয়ু  
 পান করো এই দেহের তীব্র অমিয়  
 তবে, একা নয়, ছোটদেরও কিছু দিও !

### অন্য ভ্রমণ

ঈষৎ ধারালো রোদে কুমীরের ডিম খোঁজে  
 মানুষ-শিশুরা  
 খাড়তে জোয়ার  
 সারি সারি কুর্মকায় ম্যানগ্রোভ বোপে  
 ছলাং ছলাং করে টেউ  
 অদূরে অরণ্যভূমি প্রত্যক্ষদর্শীর মতো স্থির  
 পাড়োক গাছের শীর্ষে টিপ্পিভের মন-কাড়া ডাক  
 তারই মধ্যে বেজে ওঠে সিটমারের ভোঁ।

জাহাজ ঘাটার থেকে বিশ পা বাঢ়ালে  
 আবার বৃক্ষের দেশ, আবার নির্জন  
 বালিয়াড়ি ভেঙে ভেঙে হেঁটে যাও  
 ভাঙা শস্য, ঝিনুক, কোরাল  
 পামা রং জলে ঘোরে চুনী-রঙ মাছ  
 পাথরের পিঠে ধার, এখানে বসো না ।

যদিও বাতাস নেই, তবুও চলায় ক্লান্তি নেই  
 যেন কেউ ডাকে  
 যেন কেউ বসে আছে বাঁকের আড়ালে—  
 ছিল  
 তীর ও জলের সীমা দুঁষ্টে শুয়ে ছিল এক

## পা-বাঁধা হরিণী

তখনো সামান্য প্রাণ, তখনো চোখের মধ্যে দৃষ্টি  
কাছে যাই

চার চক্ষু বিশ্বয়ের পাঞ্চা দেয়  
কে ওখানে, কেন ওকে, কোন অপরাধে ?  
বুঁকে পড়ে হাত বাড়াতেই

হামলে আসে ঢেউ  
প্রতিটি পরের ঢেউ আগের ঢেউকে দীন করে  
তটভূমি দূরে সরে যায়  
ভুতো না ভিজিয়ে আমি পিছু হটে  
এবং ক্রমশ পিছু হটে, চেয়ে থাকি  
জলের বিরাট জিভ হরিণীকে নিয়ে যায়  
এবং অদৃশ্য করে নেয় !  
আর একটু আগেও যদি নিত  
তা হলে এ অমণকারীর নিঃসঙ্গতা  
আরও একটু বিশুর হতো না !

চুপ করে আছি তাই

সে ভেবেছে, চুপ করে আছি তাই সকলি মেনেছি  
সে জানে না, কোন তমসার পারে বাঁধা আছে তাঁবু  
সে ভেবেছে, বকুল তলায় যাকে নিত্য দেখা যায়  
সে কখনো দুপুর রোদুরে আর একা বেঁৰবে না  
সে ভেবেছে, জীবন দিয়েছে যাকে হলদে ঝুমঝুমি  
খেলা ঘরে যার বেলা টুকিটাকি সান্ত্বনা পেয়েছে  
সে কখনো দেখবে না, দু'হাতের সোনালি শৃঙ্খল !  
সে জানে না, নদী প্রাপ্তে যে আছে সে চেনে সর্বনাশ !

## বিদায় ও বিস্মৃতি

বিদায়ের পাশ থেকে উঠে যায় দুটিমাত্র স্মৃতি  
ওরা ছিল, ওদের সময় হয়ে গেল  
বিদায় হলুদ বর্ণ, ওরা কিন্তু হরিতে-হিরণে  
সেজেছিল যৌবনের সাজ  
সরু গলিপথ ওরা আলো করে দিয়ে গেল  
এই শেষবার ।

বিস্মৃতির পাশ থেকে বারে পড়ে এক বিন্দু ষ্঵েদ  
এমন শীতের বেলা, এমন মধুর জ্যোৎস্নারাতে  
এ কি হলো ?

বিস্মৃতির রং ছিল শেষ মেঘ, সাংঘাতিকভাবে জেগে থাকা  
এ জীবন যেমন উজ্জ্বল  
তার পাশ থেকে কেন বারে পড়ে লবণ্যাঙ্ক উষ্ণ এই কণা  
কোথায় এ ছিল, কিংবা কোন্দিকে যাবে ?  
কাকে যে শুধাই ? হায়, এর কথা বিদায় জানে না !

## লোকটি

লোকটি ভীষণ ব্যন্তি এবং অহংকারী  
লোকটি ভীষণ দামী এবং গেরেমভারি !  
লোকটি দারুণ গাবণ্বাণ্ব শুমসো গোসা  
লোকটি দারুণ হাকুম চাকুম কঁঠাল খোসা  
তবু তাকেও ভয় পাবার তো কিছুটি নেই  
মুখোশ খুলে এক মিনিটও কি ছুটি নেই ?  
হলো বা তার চকচকাচক চটাস চামা  
তোমার আমার মিনিমিনে মিন মাগনা দামা ?  
উপুড় হয়ে হাত পা ছুঁড়ে রাত্রি বেলা  
সেও তো খেলে খাট বিছানায় একই খেলা !  
তোমার আমার মতন তারও সার্দি হলে  
হঠাত হঠাত শব্দ করেই গয়ের তোলে !

লোকটি ভীষণ ব্যস্ত এবং অহংকারী  
লোকটি ভীষণ দামী এবং গেরেমভারি !  
তবু তাকে ভয় পাবার তো কিছুটি নেই  
মুখোশ খুলে এক মিনিটও কি ছুটি নেই ?

## ধ্যানী

—সমস্ত পতন তুচ্ছ করে,

উঠে এসো !

—কোথায় তোমার হাত ?

—নির্লজ্জ ভিথারী, তুমি এখনো শরীর চাও ?

—এখনো কাটেনি নেশা

—চিবুকে চিমটি দিয়ে আগাও নিজেকে

—তোমার চিবুকে ? তবে চিমটি কেন

চুম্বনেই বেশি সুখ  
কচি পেয়ারার মতো ঐ থুতনি  
উপমাবিহনী ঠোঁট, শুধু আস্বাদের  
যোগ্য

—এ সবই পুরোনো কথা—

জেগে ওঠো,

শোনাও জ্যা-শব্দ এই ধরিত্বাকে

—এখনো কাটেনি নেশা

—গুহা ছেড়ে বাইরে এসো

ও তোমার যোগ্য জায়গা নয়

কঠিন পাথর, চামচিকের গঞ্জ, অঙ্ককার

—বড় বেশি অঙ্ককার, ঠাণ্ডা, ভারী স্লিপ্প

—প্রমিথিউস কার ভাই ?

—আমারই, যদিও বৈমাত্রেয়

—বাইরে এসো ! কতদিন দেখিনি তোমাকে

—এ যেন প্রেমের ভাষা মনে হচ্ছে ?

ফের নেশা জমে উঠবে

হাতটা বাড়িয়ে দাও

টেনে আনি তোমাকেও এই কালো

মোলায়েম, আঁধার শয্যায়

—প্রেম কি নেশার বস্ত ? শুধু ঘাম ?

—কি বললে ? শুধু কাম !

মোটেই না !

ওঠের লাবণ্য স্পর্শ, সে কি কাম ?

কোমর জড়িয়ে ধরে শরীরের গন্ধ নেওয়া

কিংবা যদি মিলনের নেশা জাগে

কী মধুর তীব্র-খেলা

মিথ্যেবাদীরাই শুধু এর অন্য নাম দেয়

—শুধু খেলাতেই সব শেষ ? আর কিছু

কাজ নেই ?

—পূর্ববঙ্গে সব কাজকেই কাম বলে—

ওরা খুব দার্শনিক !

—আমি চলে যাই ?

—যাও না ! কে আটকাচ্ছ ? বাইরে কত আলো

শরীরের ডালপালা ছুয়ে আছে নষ্ট ভোরবেলা

সমাজতন্ত্রের ভাষ্য মুখে নিয়ে

পাখি উড়ে যায়

ধারাবর্ষণের মধ্যে হেঁটে যান মাদার টেরেসা

সমুজ্জল প্রাকৃতিক দৃশ্য যেন মানুষের ঘর

আমার তো ঈর্ষা নেই,

প্রকৃতির সঙ্গে আমি দৈরথে নামি না ।

—তুমি এর বাইরে থাকবে ?

—ক্ষতি কি, দু' একজন যদি থেকে যায় এ-রকম ?

—এই নোংরা অঙ্ককারে ? গড়ানো শুহায় ?

—আমার যে ধ্যান আজো শেষ হয়নি

ধ্যানী মাত্রই তো শুহাবাসী

তাই না ?

—বলো তো কিসের ধ্যান

—সে বিষম শুহাতত্ত্ব

—আমাকেও বলবে না ?

—একমাত্র তোমাকেই বলতে পারি

কেননা ধ্যানের লক্ষ্য তুমি !

—এ কেমন চাওয়া, যার শেষ লক্ষ্য আঘাত্যা ?

এ কেমন রেঁচে থাকা, যার কেন্দ্রে  
জীবনের বিমুখতা ?  
শরীর নীরব হয়, বাসনার ঘূম পায়  
নদীও শুকিয়ে যায় এমন কি

—সবই তো বদলে যায়

—আর তুমি ?

—কেন এত জ্ঞান দিচ্ছে ? আসতে চাও এসো  
কিংবা কেটে পড়ো

—আমি তো পতন চাইনি, আমি চাই,  
তোমার উদ্ধার !

—অযি দয়াবতী, পৃথিবীতে আর কোনো আর্ত নেই ?  
করগা-বিলাসী যদি হতে চাও  
করগা-ভিখারী তুমি তের পাবে  
আমি বড় অহংকারী !

—কোথায় সে অহংকার ? যা তোমাকে  
উঠে দাঢ়াবার শক্তি দেবে ?  
যা তোমার স্নায়ুকে করবে তীক্ষ্ণ  
কপাট ভাঙার আগে দীর্ঘশ্বাস ফুরোবে না  
গ্রন্থের পিপাসা থেকে নদীর বাঁধের কাছে  
মৃত্তি দেবে জল  
মানুষকে চিনে নেবে তোমার দর্শণে

—কি রকম চেনা চেনা কথাগুলো  
কিছু দাঢ়িওয়ালা  
মহাপুরুষের কারখানায়  
হয় না এসব তৈরী ?  
রাখো !

যদি চাও, উপহার দাও এ পিঙ্গল শরীর  
আমার বুকের কাছে পা ছড়িয়ে বসো—

শান্তি দাও ! হে সুন্দর

মাধুর্যের ঝাপটা দাও, কানে কানে বলো  
কোনো মর্মকথা  
না হয়তো চলে যাও, কোনো খেদ নেই !

—যেতে হবে জানি ! এখনো তোমার নেশা  
সত্যিই যায়নি দেখছি ।

এর পর তুমি...

- আরও পতনের দিকে যাবো । পুনরায়  
ধ্যানে বসবো
- কার ?
- কার আবার ? তোমারই তো
- আমাকে বিদায় করে আমাকেই ধ্যান করবে ?
- আমার ধ্যানের নেশা  
আমি এই নিয়ে বেশ আছি !

### যাত্রা

ভাঙা নৌকোয় যাত্রা, তবুও জায়গা আছে  
টলমল করে সূর্যের ঘড়ি  
পকেটে মাত্র এক কানাকড়ি  
তবু যেতে হবে সীমানা ছাড়িয়ে অসীমার কাছে  
ভাঙা নৌকোয় যাত্রা, তবুও জায়গা আছে ।

অসীমা আমার বড় গরবিনী, নদীর মতো  
যার তীরে নেই সহজ শাস্তি  
সে আমায় দেয় হাজার আস্তি  
পথ ভুলে আমি পথেই নিজেকে খুঁজেছি কত !  
যেতে হবে শেষে নিজেকে ছাড়িয়ে অসীমার কাছে  
ভাঙা নৌকোয় যাত্রা, তবুও জায়গা আছে ।

### শরীরের ছায়া

ও চুলে তোমার বেণীবঙ্গন কিছুতেই মানাবে না  
চুল খুলে দাও হাওয়ায় অঙ্ককারে  
ও নীল বসনে বকুক লজ্জা, রেখাগুলি ঐ কাঁপে  
দাঁড়াও এখানে পিপাসার পারে  
হাওয়ায় অঙ্ককারে !

ভুলতে চাই না নদী নীলিমার অশ্বত কৌতুহলে  
হাত বাঁধবো না গত জন্মের পাপে  
ও দুটি চোখের তারার দৃষ্টিতে পৃথিবীও বড় দীন  
ও নীল বসনে ঝরক লজ্জা, রেখাগুলি ঐ কাঁপে  
মুখ ঢাকবো না গত জন্মের পাপে !

দাঁড়াও এখানে পিপাসার পারে  
হাওয়ার অঙ্ককারে  
শরীরের ছায়া শরীরের লোভ করে।  
যদি ভুল হয়, ছায়ার সঙ্গে যদি দূরে চলে যাই ?  
তুমি তাই এসো রক্ত মাংসে, যে রকম আসে ফুল  
গঞ্জে গঞ্জে মদির রাত্রি—এ রকম ছিল সাধ  
শরীরের ছায়া শরীরের লোভ করে।

শীত এলে মনে হয়

মাঠ থেকে উঠে ওরা এখন গোলায় শুয়ে আছে  
সোনালি ফসল, কত রোদ ও বৃষ্টির স্বপ্ন যেন  
মেহ লেগে আছে  
লাউমাচায়, গরু ও গরুর ভর্তা সবাঙ্গের পুকুরের পাশে  
মুখে বিআমের ছবি, যদিও কোমরে গাঁটে ব্যথা।

শীত এলে মনে হয়, এবার দুপুর থেকে রাত  
মধুময় হয়ে যাবে, যে রকম চেয়েছেন পিতৃপিতামহ  
তাঁদের ঘৃত্যার আগে ভেবেছেন আর দুটো বছর যদি...  
শীত এলে মনে হয়, এই মাত্র পার হলো সেই দু'বছর  
এবার সমস্ত কিছু...  
শীত চলে যায়, বছর বছর শীত চলে যায়,  
সে দুটি বছর আর কখনো আসে না।

## সমস্ত পৃথিবীময়

এই মুহূর্তে যে কাঁদলো তাকে কান্দা থেকে মুক্তি দেবার  
কোনো মন্ত্রই আমি জানি না—

সমস্ত পৃথিবীময় যেন ছড়িয়ে আছে আলগা অভিমান  
কে কাকে দেখে মুখ ফিরিয়ে নেয়—  
কে হাসিমুখে ভেতরে ছুরি শানায়  
তার কোনো ইতিহাস যেন কেউ কখনো না লেখে !

ভালোবাসার মধ্যেই শুয়ে থাকে সবচেয়ে বেশি ভুল  
প্রতিটি পল-অনুপলকে সন্দেহ হয়, সত্য তো ?  
শরীরের কাছে শরীর, আলিঙ্গনের মধ্যে তার নরম বুক  
কী মধুর, কী সুন্দর, কী তীব্র যন্ত্রণা !  
সেই সময়েও নিশাসের ক্ষীণ শব্দ শুনে শুনে মনে হয়

কার জন্য ? আমারই তো

কিছুতেই কেউ কখনো বোঝে না, সে পুরোপুরি আমার  
একলা এসে বারান্দায় দাঁড়ালেই মনে হয়  
সমস্ত পৃথিবীময় যেন ছড়িয়ে আছে আলগা অভিমান।

## পথের রাজা

পথের রাজাকে আমি দেখেছি গভীর রাত্রে  
দৈবাৎ বারান্দায় এসে  
তখনও বিপুল বৃষ্টি, আকাশ ভাসানো বৃষ্টি  
রাত্রিকে বিহুল করা জল ছাঁট  
সব ধুয়ে গেছে, সব কালো ও চিকিৎসা,

গাছগুলি স্তুক—জাগা, তারা পরম্পর  
মুখ দেখে  
আর কেউ নেই, বহুক্ষণ কেউ নেই, গাড়িরাও  
ফিরে গেছে ঘরে

এমন নিশ্চিত ক্ষণে ধীর লয়ে  
শব্দহীন পদপাতে হেঁটে যান  
পথের সন্নাট

খালি গা, তামস রং, মাথাভর্তি ঝাঁকড়া ঝাঁকড়া চুল  
ওঠে মনু হাসি,

এবং শুনগুন গান

শাঙ্গভাবে দশ দিক দেখে

পথের সন্ধাট ঠিক মাঝখান দিয়ে হেঁটে হেঁটে  
কোথায় বা কেন যান কিছুই বুঝি না !

দুঃখ ও জানে না

চোখে চোখ লেগে থাকে

শরীর নীরব

হরিৎ আভার মতো স্মৃতি জানে

সেরকম ভাষা—

ইতিহাস কিংবা তারিখ আগে থেকে

মানুষের যাবৎ পিপাসা

চোখে চোখ রেখে দেয়—শব্দ করে

নৈশশ্বের স্বর ।

আমার চোর্খের কোণে লেগে আছে

হিম দুঃখ স্মৃতি

দুঃখ ও জানে না

দূর অঙ্ককারে পোড়ে কার শব !

ঘুরে বেড়াই

তোমার পাশে, এবং তোমার ছায়ার পাশে

ঘুরে বেড়াই

তোমার পোষা কোকিল এবং তোমার মুখে

বিকেলবেলা রোদের পাশে

ঘুরে বেড়াই

তোমার ঘুমের এবং তোমার যখন তখন অভিমানের

অর্থ খুঁজি অভিধানে

ঘুরে বেড়াই ঘুরে বেড়াই

গাছের দিকে মেঘের দিকে  
বেলা শেষের নদীর দিকে  
পথ চেনে না পথের মানুষ  
ঘূরে বেড়াই ঘূরে বেড়াই  
মেলা শেষের ভাঙা উনুন ছাইয়ের গাদায়  
ল্যাজ গুটানো একলা কুকুর  
পুরুর পাড়ে মাটির খুরি, সবুজ ফিতে  
ঘূরে বেড়াই ঘূরে বেড়াই  
তোমার পাশে এবং তোমার ছায়ার পাশে  
ঘূরে বেড়াই ।

### তোমার খুশির জন্য

যদি আর আমি কিছুই না লিখি ?  
সব ছেড়ে ছুড়ে বনবাসী হই, তুমি খুশি হবে ?

সে বন এখনো মানুষ চেনে না  
আমি ছাড়া কেউ একলা যাবে না  
এবং ফেরার কোনো পথ নেই  
তুমি খুশি হবে ?

যা লিখেছি সব পুড়িয়ে ছড়িয়ে  
চাঁড়ালের হাতে ছাই সঁপে দিয়ে  
যদি চলে যাই ?

সমস্ত নাম উকো দিয়ে ঘৰে  
মুছে দিয়ে যাবো  
আমার জন্য কাঁদবে না কোনো শিয়াল কুকুরও  
তুমি খুশি হবে ?

তোমার খুশির জন্য আমি কি পৃথিবী ছাড়বো ?  
যদি চাও, তাও ছেড়ে যেতে পারি

হে সমালোচক, আরও যা চাইবে সব যেনে নেবো  
শুধু দয়া করে, আমাকে কখনো  
আর তুমি ভালো লিখতে বলো না !

এখনো সময় আছে

(একটি ফরাসী কবিতার ভাষ-অনুসরণে)

তখন তোমার বয়স আশী, দাঁড়াবে গিয়ে আয়নায়  
নিজেই বিষম চমকে যাবে, ভাববে এ কে ? সামনে এ কোন ডাইনী ?  
মাথা ভর্তি শগের নুড়ি, চামড়া যেন চোত-বোশেখের মাটি  
চঙ্কু দুটি মজা-পুরু, আঙুলগুলো পাকা সজনে ডাঁটা !  
তোমার দীর্ঘশ্বাস পড়বে, চোখের কোণে ঘোলা জলের ফেঁটায়  
মনে পড়বে পূর্ণেনো দিন, ফিসফিসিয়ে বলবে তুমি,

আমারও রূপ ছিল !

আমার রূপের সুনাম গাইতো কত শিল্পী-কবি !  
তাই না শুনে পেছন থেকে তোমার বাড়ির অতি ফচকে দাসী  
হেসে উঠবে ফিকফিকিয়ে  
রাগে তোমার শরীর জ্বলবে ! আজকাল আর বি-চাকরের নেই কোনো  
ভব্যতা !

মুখের ওপর হাসে ? এত সাহস ? তুমি গজগজিয়ে যাবে অন্য ঘরে  
আবার ঠিক ফিরে আসবে, ডেকে বলবে, কেন ?  
কেন রে তুই হাসিস ? তোর বিশ্বাস হলো না ?  
আমারও রূপ ছিল, এবং সে রূপ দেখে পাগল  
হয়েছিলেন অনেক লোকই, এবং কবি সুনীল গঙ্গোপাধ্যায় !  
দাসীটি তার চোখ তুলবে কপাল জুড়ে, প্রকাশ্যেই বলবে  
এবার বুঝি মাথা খারাপ হলো তোমার, বুড়ীমা ?  
আবোল তাবোল বকছে তুমি, সুনীল গঙ্গোপাধ্যায় ?  
সবাই যাঁকে শ্রদ্ধা করে, যাঁর কবিতা সবার ঠোঁটে ঠোঁটে  
প্রতিবছর জন্মদিনে যার নামে হয় কয়েক ঘণ্টা বেতারে গান বাজনা  
সেই তিনি, সেই কবি এমন বুড়ীর জন্য পাগল

হয়েছিলেন ? হি হি হি এবং হি হি হি  
রাগে তোমার মুখের চামড়া হয়ে উঠবে চিংড়ি মাছের খোসা

তুমি ভাববে, এক্সুনি সুনীলকে ডেকে যদি সবার  
সামনে এনে প্রমাণ করা যেত ।

কিন্তু হায়, কী করে তা হবে ?  
সেই সুনীল তো মরেই ভূত পঁচিশ বছর আগে  
কেওড়াতলার চুম্বিতে তার নাভির চিহ্ন খুঁজেও পাওয়া যায়নি !

তাই তো বলি, আজও সময় আছে  
এখন তুমি সাতাশ এবং সুনীলও বেশ যুবক  
এখনও তার নাম হয়নি, বদনামটাই বেশি  
সবাই বলে ছেকরা বড় অসহিষ্ণু এবং মতিজ্ঞ  
লেখার হাত ছিল খানিক, কিন্তু কিছুই হলো না ।

তাই তো বলি, আজও সময় আছে  
দাঁড়াও তুমি অখ্যাত বা কুখ্যাত সেই কবির সামনে  
সোনার মতো তোমার ঐ হাত দু'খানি যেন ম্যাজিক দণ্ড  
বলা যায় না, তোমার হাতের ছোঁয়া পেয়ে একদিন সে হতেও পারে  
দ্বিতীয় রবি ঠাকুর !

তোমার সব রূপ খুলে দাও, রাপের বিভায় বন্দী করো  
তোমার রাপের অরূপ রঙ তাকে সত্যি পাগল করবে  
তোমার চোখ, তোমার ওষ্ঠ, তোমার বুক, তোমার নাভি....  
তোমার হাসি, অভিমানের শুচ্ছ শুচ্ছ অশোক পুঁপ...  
কিন্তু তুমি তখনই সেই সুনীল, সেই তোমার রূপের পূজারীর  
চুলের মুঠি চেপে ধরবে, বলবে, আগে লেখো !  
শুধু মুখের কথায় নয়, রক্ত লেখা ভাষায়  
কাব্য হোক রাপের, শ্লোক, অমর ভালোবাসায় !

সে কোথায়

বালির ওপরে কার তাজা রক্ত ? এদিকে ওদিকে  
চেয়ে দেখি  
কোনো হিংস্র পশু বুঝি বিদ্যুৎ চমকে এসেছিল ?  
বাতাসে নিষ্পাপ গঞ্জ, কেউ নেই, সমস্ত শব্দও  
চূপ করে আছে

উড়স্ত অঁচল যেন নদীটির ঢেউ,  
হালকা মেঘের ছায়া  
ইষৎ কিনারে এসে পা ডুবিয়ে আমি  
হেঁট মুখে হির চেয়ে থাকি  
বালির ওপরে কার তাজা রাঙ্গ ? এই ছায়াময় দিনে  
লুকিয়ে রয়েছে কোন হত্যাকারী ? সে কোথায় ?

## ছবি খেলা

মনে আছে সেই রাত্রি ? সেই চাকভাঙা  
মধুর মতন জ্যোৎস্না  
উড়ো উড়ো পেঁজা মেঘ অলীক গর্ভের প্রজাপতি  
দুঃখবর্ণ বাতাসের কখনো স্পর্শ ও ছবি খেলা  
মিনারের মতো পাঁচটি প্রাচীন সুউচ্চ গাছ, সেই  
মানবিক চৰা মাঠ, তিনটি দিগন্ত দূর, আরও দূর  
পুরুরের ঢালু পাড়ে তুমি শুয়ে ছিলে  
মনে আছে সেই রাত্রি, সঠিক পথেই ঠিক  
ভুল করে যাওয়া ?

বুকে কেউ চোখ ঘষে, উরুদ্বয়ে ভেঙে যায় ঘূম  
হঠাৎ প্রবাসী গল্প, ফিসফাস, শব্দ এসে  
শব্দকে লুকোয়  
অশুর লবণ ধেকে উঠে আসে স্মৃতিকথা, পিঠে  
কাঁকর ও তৃণাক্তুর, অথচ এমন রাত্রি, এমন  
জ্যোৎস্নার মৃদু ঢেউ  
কখনো দেখোনি কেউ সমস্ত শরীরে আলো যেন  
খুব জলের গভীরে  
সাবলীল ভেসে যাওয়া, কত দেশ, কত নদী  
এমনকি মানুষজন্ম পার হয়ে এসে  
যেমন ফুলের বুকে ঘাণ কিংবা ঘাণ ছেঁচে  
জন্ম নেয় ফুল  
মনে পড়ে সেই রাত্রি ? সঠিক পথেই ঠিক  
ভুল করে যাওয়া ?

## সারা দুনিয়ায়

সারা দুনিয়ায় এক দুর্নিরার চ্যাচামেচি, কেড়ে নিতে হবে !  
হবেই তো !

যে না নেবে, তার মৃত্যু গাছের ডগায় !

সারা দুনিয়ায় আজ অবিশ্রান্ত ছড়োছড়ি । কাল যেন শেষ  
তার চিহ্ন,

সূর্যস্তের লাল আভা, পাশে পোড়া ছাই !

সারা দুনিয়ায় আজ লজ্জাহীন রেষারেষি, কে পাবে অগ্রিম  
হাত খোলা,

যে-হাত দেয় না কিছু শুধু সব নেবে !

সারা দুনিয়ায় আজ সার্থকতা—মৃত্যুপণ, তারই নাম সুখ  
দেখা যায়

নদীর অপর তীরে তার অন্য ভাই বসে আছে !

সকলেই যা চেয়েছে, ধরা যাক একদিন তাই পেয়ে গেল  
তবু দেখো,

কবিতা লেখার জন্য ক'জন মানুষ শুধু,  
কিছুই চাইবে না !

## চাসনালা

এসেছে হাজারে হাজারে মানুষ, এসেছে, দেখেছে,  
হাজারে হাজারে মানুষ এসেছে, দেখেছে  
এসেছে পুলিশ, জিপ, ভ্যান, ট্রাক, এসেছে অনেকে ক্যামেরা ঝুলিয়ে  
এসেছে গ্রামীণ, এসেছে বিদেশী,  
এসেছে শ্রমিক, এসেছে মালিক  
এসেছে ভিত্তি, এসেছে বাদাম, ছোলা, কোকাকোলা  
হালুয়া বরফি, গুলাবি রেউড়ি  
এসেছে হাজারে হাজারে মানুষ, এসেছে, দেখেছে

হাজারে হাজারে মানুষ এসেছে, দেখেছে  
 এসেছে ব্যাকুল, এসেছে কুন্দ, এসেছে মলিন  
 এসেছে শিশুরা, এসেছে মেয়েরা, এসেছে অঙ্গ  
 আরো আসে আরো গাড়ির শব্দ, পায়ের শব্দ  
 আরো আসে আরো, আরো, আরো, আরো  
 এসেছে হাজারে হাজারে মানুষ, এসেছে, দেখেছে  
 হাজারে হাজারে মানুষ এসেছে, দেখেছে  
 দেখেছে ? দেখেছে ? সত্তি দেখেছে ?  
 দেখেনি কিছুই, দেখেনি কিছুই, দেখেনি কিছুই  
 ও ওর মুখের, সে তার মুখের  
 কে কার মুখের দিকে চেয়ে দেখে, দেখেনি, দেখেনি,  
 কিছু দেখেনি...

## ভাই ও বন্ধু

আমার যমজ ভাই দুঃখ, আজ বহুদিন পলাতক  
 তার খৌঁজে ইতিউতি যাবো—ইদনীং সময় পাই না  
 মাঝে মাঝে কেউ বলে, তোমার ভাইকে কাল দেখলুম হে  
 চৃপচাপ জারুল গাছের নিচে বৃষ্টিতে ভিজছিল !  
 একটু আনমনা হই, উপন্যাস লেখা থেকে চোখ তুলে  
 সাদা দেয়ালের দিকে...  
 শুন্দি দীর্ঘশ্বাস ফেলে মনে মনে নিজেকে ঠকিয়ে বলি  
 সে অনেক বদলে গেছে,  
 সে আর আমার মতো নেই  
 আমার যমজ ভাই দুঃখ, আজ বহুদিন পলাতক !

আমার বন্ধুর নাম চিরখতু, সে অনেক  
 আগেকার কথা  
 তখন বাতাস ছিল হিরণ্যয়

তখন আকাশ ছিল অতি ব্যক্তিগত  
 তখন মাংসের লোভে যাইনি আমরা কেউ উচু প্রতিষ্ঠানে  
 তরল আগুন খেয়ে মাঝারাতে দেখিয়েছি হাজার ম্যাজিক  
 তখন বাতাস ছিল... তখন আকাশ ছিল... সে অনেক

আগেকার কথা !  
এখন অন্যের বাড়ি অকস্মাত চুকে পড়লে সব কথা  
থেমে যায়  
বিষয় বদলাতে গিয়ে গ্রীষ্মকালে কেউ শীতে কাঁপে  
এমন কি নারীরাও...  
আমার কঠিন মুখ, আচমকা কর্কশ বাক্য... নিজেই চমকে উঠি  
যেন এক রংকেত্র, পিঠ ফেরালেই আছে শত শত তীর  
আমার বকুর নাম চিরখতু... চিরখতু ? ঠিক নাম  
মনে রেখেছি তো ?

### প্রবাস

যাবে কি এবার বসন্তেই ?  
আসছে আবণে  
এসেছে আবণ, শোনো মেঘের গর্জন  
আর দুঁটো মাস  
আশ্বিনের সাদা মেঘে ভরক প্রবাস

আশ্বিনেও লেগে ছিল লোভ  
শীত মদালসা  
ফেরার অনৈক্য ছিল গ্রীষ্মে  
কেটেছে বছর  
এমন কি শেষ দিনে এলো ঘূর্ণিঝড় !

যাবে কি শতাব্দী সাঙ্গ হলে ?  
না, না, তার আগে  
অস্থিরতা রোদে কম্পমান  
আর দেরি নেই  
প্রাঙ্গন স্বদেশে ফেরা এই মহুর্তেই !

## সুন্দরের পাশে

সে এত সুন্দর, তাই তার পাশে বসি  
ঝাপের বিভায় আমি সেরে নিই লঘু আচমন  
ঝাপের ভিতর থেকে উঠে আসে বুক ভরা ঘূম  
আমি তার চোখ থেকে তুলে নিই  
মিহিন ফুলের পাপড়ি  
গঞ্জ খঁকি, পুনরায় ঘূম থেকে জাগি  
উজ্জ্বল দাঁতের আলো রঙিম ওষ্ঠকে বহু দূরে নিয়ে যায়  
ঝাপের সুদুরতম দেশে চলে যাবে এই ভয়ে  
আমি দ্রুত সিঁড়ি দিয়ে নেমে...  
সে এত সুন্দর তাই তার পাশে বসি !

ঝাপ যেন অভিমান, আমি কোনো সাত্ত্বনা জানি না  
যতখানি নিতে পারি, দিই না কিছুই  
আনলার পাশ দিয়ে উকি মারে কার ছয়া ?  
ওকি প্রতিদ্বন্দ্বী ?  
ওকি নশ্বরতা ?  
শিখেছি অনেক কষ্টে তার চোখে ধূলো দেওয়া  
এই শিল্পীরীতি  
চিরকাল না হলেও, বারবার ফেরানো যাবেই জেনে  
ঝাপ থেকে সুধা পান করি  
ঠিক উশ্বাদের মতো চোখ থেকে ঝারে পড়ে হাসি ।

প্রকৃতির অলঙ্কার সে রেখেছে অনন্ত সীমানা জুড়ে জুড়ে  
তাই প্রকৃতির কাছে অঙ্গ হলে যাবো  
সুমেরু পর্বতে আমি মাথা রাখি  
সমুদ্রেরচেও লাগে হাতের আঙুলে  
উঁকের ভিতরে অঞ্চি...এত মোহময়...  
অরণ্যের গঞ্জ মাথা...

নিষ্পাসে পলাশ ঝাড়, বারবার  
যুদ্ধের সুমিষ্ট স্বপ্ন, চোখ ঘুরে ঘুরে  
যায়, আসে  
নরম সোনালি দুই বুক যেন স্বর্গভূমি

এত মোহময়, তাই শিল্প...  
যুদ্ধের অমর শিল্প...  
সে এত সুন্দর তাই তার পাশে বসি !

## তুমি জেনেছিলে

তুমি জেনেছিলে মানুষে মানুষে  
হাত ছায়ে বলে বক্ষু  
তুমি জেনেছিলে মানুষে মানুষে  
মুখোমুখি এসে দাঁড়ায়  
হাসি বিনিময় করে চলে যায়  
উত্তরে দক্ষিণে

তুমি যেই এসে দাঁড়ালে—  
কেউ চিনলো না      কেউ দেখলো না  
সবাই সবার অচেনা !

## প্রতীক্ষায়

গোলাপে রয়েছে আঁচ, পতঙ্গের ডানা পুড়ে যায়  
হাওয়া ঘোরে দূরে দূরে  
ফুলকে সমীহ করে  
সূর্যস্তও থমকে থাকে !

দেখো দেখো  
আমার বাগানে এক অগ্নিময়  
ফুল ফুটে আছে  
তার সৌরভেও কত তাপ !  
আর সব কুসুমের জীবন চরিত তুচ্ছ করে  
সে ঘাড় ঘুরিয়ে দেখে চতুর্দিকে  
বৈদ্যৰ্যমণির মতো চোখ মেলে সে রয়েছে প্রতীক্ষায়  
কার ? কার ?

## সেদিন বিকেলবেলা

সাতশো একাহন্তম আনন্দটি পেয়েছি সেদিন  
যখন বিকেলবেলা মেঘ এসে

ঝুঁকে পড়েছিল

গোলাপ বাগানে

এবং তোমার পায়ে ফুটে গেল লক্ষ্মীছাড়া কাঁটা !

তখন বাতাসে ছিল বিহুলতা, তখন আকাশে

ছিল কৃষ্ণ কাস্তি আলো,

ছিল না রঙের কোলাহল

ছিল না নিষেধ

অতটুকু ওষ্ঠ থেকে অতখানি হাসির ফোয়ারা

মন্দিরের ভাস্কর্যকে ছান করে নতুন দৃশ্যটি ।

এর পরই বৃষ্টি আসে সাতশো বাহাম সঙ্গে নিয়ে  
করমচা রঙের হাত, চিবুকের রেখা

চোখে চোখ

গোলাপ সৌরভ মেশা প্রতিটি নিশাস, যত্ন করে  
জমিয়ে রাখার মতো ;

সম্প্রতি ওল্টানো পদতলে

এত মায়া, বায়ু ধায় নশো উনপঞ্চাশের দিকে  
নয় প্রকৃতির

এত কাছাকাছি আর কখনো আসিনি মনে হয়  
জীবন্ত কাঁটার কাছে হেরে যার গোপন ঈশ্বর  
জন্মের সহস্র ছবি, বা আনন্দ একটি শরীরে ?

সে কোথায় যাবে ?

পৌষের পূর্ণিমা রাত ডেকে বললো যা—

সে কোথায় যাবে ?

নিরুম মাঠের মধ্যে সে এখন রাজা

একা একা দুন্দুভি বাজাবে ?

ছিল বটে রৌদ্রালোকে তারও রাজ্যপাট  
সোনালি কৈশোরে  
আজ উল্লুকের পাল হয়েছে স্বরাট  
চৌরাস্তার মোড়ে ।

দাঁতে দাঁত ঘষাঘষি, চোখের টকার  
এরকম ভাষা  
সে শেখেনি, তাই এই রূপকথায় তার  
জন্ম কীর্তিনশ্চ !

গায়ে সে মেঝেছে ধুলো, গৃঢ় ছদ্মবেশে  
বোবা আম্যমাণ  
অদৃশ্য সহস্র চোখ তবু নির্নিমেষে  
ছিলা রাখে টান ।

পৌষের পূর্ণিমা রাত ডেকে বললো, যা—  
সে কোথায় যাবে ?  
যেতে সে চায়নি ? কেউ খুলেছে দরোজা  
পুনরায় মনুষ্য স্বভাবে ?

তমসার তীরে নগ শরীরে

চিন্ত উতলা দশদিকে মেলা সহস্র চোখ  
আমাকে এবার ফিরিয়ে নেবার জন্য এসেছে ?  
আর দুটো দিন করুণ রঙিন  
পথ ঘুরে দেখা  
হবে না আমার ? পুরোনো জামার ছিড়েছে বোতাম ?

তমসার তীরে নগ শরীরে

দাঁড়ালাম আমি  
পাশে নেই আর মায়া সংসার আকাশে অশনি  
নদীটি এখন বড় নির্জন

জলে শীত ছেঁওয়া

কে জানে কোথায় ন্যায় অন্যায় সহসা লুকালো !  
 এক অঞ্জলি জল তুলে বলি,  
 হে আঁধারবতী,  
 বহু ঘূরে ঘূরে স্বপ্নে সুদূরে দেখা হয়েছিল  
 দৃঢ়থে ক্ষুধায় এই বসুধায়  
 হয়েছি হন্তে  
 কখনো দাওনি সুধার চাহনি ফিরিয়েছো মুখ !  
 মনে আছে সব ? শেষ উৎসব  
 আজ শুরু হবে  
 মেশাবো এ জলে মন্ত্রের ছলে অতি প্রতিশোধ  
 শরীর জানে না কে কার অচেনা  
 তাই ছুঁয়ে দেখা  
 এ অবগাহন শরীর-বাহন চির ভালোবাসা !

যে আমায়

যে আমায় চেনে আমি তাকেই চিনেছি  
 যে আমায় ভুলে যায়, আমি তার ভুল  
 গোপন সিন্দুকে খুব যত্নে ভুলে রাখি  
 পুরুরের মরা ঝাঁকি হাতে নিয়ে বলি,  
 মনে আছে, জলের সংসার মনে আছে ?  
 যে আমায় চেনে আমি তাকেই চিনেছি !

যে আমায় বলেছিল, একলা থেকো না  
 আমি তার একাকীর অরণ্যে খুঁজেছি  
 যে আমায় বলেছিল, অত্যাগসহন  
 আমি তার ত্যাগ নিয়ে বানিয়েছি শোক  
 যে আমায় বলেছিল, পশুকে মেরো না  
 আমার পশুত্ব তাকে দিয়েছে পাহারা !  
 দিন গেছে, দিন যায় যমজ চিঞ্চায়  
 যে আমায় চেনে আমি তাকেই চিনেছি !

## স্বপ্নের কবিতা

আমি তো দাঁড়িয়ে ছিলাম পাশে, সামনে বিপুল জনশ্রোত  
হলুদ আলোর রাস্তা চলে গেছে অতিকায় সুবর্ণ শহরে  
কেউ আসে কেউ যায়, কারুর আঙুল থেকে ঝরে পড়ে মধু  
কেউ দাঁতে পিচ কাটে, সুবণ্টীবীর শৃতি লোভ করে  
কেউ বা ছুঁয়েছে খুব লঘু যত্নে, সুখী বারবনিতার

তস্মুরা যুগল হেন পাছা

কারো চুলে রত্নচূটা, কারো কঠে কাঁচা-গঞ্জ বাঘনখ দোলে  
আমি তো দাঁড়িয়ে ছিলাম পাশে, সামনে বিপুল জনশ্রোত ।

কোথায় সুবর্ণ সেই নগরীটি ? কোন্ রাস্তা হলুদ আলোয় আলোকিত ?  
কে দাঁড়িয়ে ছিল সেই পথপ্রাণ্তে ? আমি নয়, কোনোদিন দেখিনি সে পথ  
আঙুলে কী করে ঝরে মধু ? কেন কেউ কঠে রাখে কাঁচা বাঘনখ ?  
কিছুই জানি না আমি, এমন কি সুবণ্টীবীর ঠিক বানানেও রয়েছে সন্দেহ  
তবু কেন কবিতা লেখার আগে এই দৃশ্য, অবিকল, সম্পূর্ণ অটুট  
স্বপ্ন, কিংবা তার চেয়ে বেশি সত্য হয়ে ওঠে, আমার চৈতন্যে বেঁধে সুঁচ  
প্রায় কোনো কাটাকাটি না করেই অফিস-টেবিলে বসে আমি

ঐ দৃশ্য লিখে যাই ।

## জেনে গেছি

এমন মানুষ রোজই দেখি, যাঁরা আমায় আগে চিনতেন  
ডেকে বলতেন  
এই যে সুনীল, কেমন আছে, বসো, চা খাও  
এখন তাঁরা মুখ ফিরিয়ে শুকনো হাস্য,  
আঙুল দিয়ে দেখিয়ে দেন  
কালো গহুর !

বৃষ্টি হয়নি বিকেলবেলা, পোড়া গরম, আমারই দোষ ?  
সে অপরাধে অনেকবার আমি হয়েছি মূল আসামী  
ঘরে ঢুকলে অনেকে আজ জানলা দিয়ে বেরিয়ে যেতে  
হকুম করেন !

মধ্যরাতে মধ্যে দাঁড়িয়ে রইল ট্রেন। আমার ঘূম হলো না  
পাগলা হাওয়ায় উড়িয়ে নিল নীল কুমাল, একটি তারা  
পুড়তে পুড়তে  
খসে পড়লো বনের মাথায়  
সেটাও যেন আমারই দোষ, সেই থেকে আর কথা বলে না  
একটি মেয়ে !

বয়স হলো তিরিশ পার, বাঁ জুলগিতে তিনটে সাদা শিকড়  
আর দু'দশটা বছর বাঁচবো,  
এখন আমার পোশাক বদলে  
তৈরি হয়ে নেবার পালা  
অনেক যত্নে ধুয়েছি হাত, জটলা মাথায় পড়লো  
আবার চিরনি  
দাঢ়ি কামানো আদুরে মুখ, বেরিয়ে পড়বো ফুরফুরে এক বিকেলে  
একলা একলা অনেক দূরে যেতে হবে,  
গোপন কোনো নদীর তীরে  
অনেক দিন তো কাটলো, এবার নিজের সঙ্গে দেখা হবে না ?

## হলুদ পাখিরা

ছিল আমার শূন্য খাঁচা, উড়তে উড়তে এলো একটা  
হলুদ পাখি  
খাঁচার উপর বসে খুশির ল্যাঙ্গ দোলালো  
চোখ ঘোরালো  
ছিল আমার শূন্য খাঁচা ছিটকিনি নেই, শুকনো বাটি  
হলুদ পাখি তারই মধ্যে সুরক্ষ করে চুকে পড়লো !

হলুদ রং যে অবিশ্বাসী সবাই জানে  
পাতলা ঠোঁটে মধুর শিস সর্বনাশী  
পালক ভরা আলোর খেলা দাঁড়ের ওপর  
নাচের খেলা  
কেন যে এই মোহিনী অম শূন্য খাঁচায় চুকে পড়লো !

আকাশ ভরা শূন্যতার প্রাণ্টে একটা শূন্য খাঁচা  
হলুদ পাথি দিগন্তের শূন্য থেকে উড়তে উড়তে  
বাসা বাঁধলো খাঁচার শূন্যে  
ফাঁকা দেখলেই ভরে ফেলবে এই মানসে  
দাঁড়ের ওপর ল্যাজ ঝুলিয়ে খুনসুটিতে চোখ মারবে  
পাখা ঝাপটে গোপনতার আভাস দেবে  
বলবে এবার খাঁচায় একটা আলগা মতন  
ছিটকিনি দাও !

### আমার গোপন

একটা ভীষণ গোপন কথা  
খাঁচার মধ্যে বন্দী আছে  
গোপন সে তো খুবই আপন  
তবু এমন ছটফটানি  
যেন সকাল থেকে সঙ্গে  
সারা বিশ্ব থমকে থেকে  
আমার ক্ষুদ্র গোপনতার  
নিশান দেখে সুনাম গাইবে ।

আমার গোপন ক্ষুদ্র ছিল  
যখন তার জন্ম হয়নি  
ক্রমশ তার চক্ষু ফোটে  
ডানায় কাটে স্লিপ্স বাতাস  
খাঁচায় আর ধরা যায় না  
রঙিন জামার মধ্যে লুকোয়  
শরীর দিয়ে খৌজাখুজির  
শেষেও তার শেষ মেলে না  
আমার গোপন রাত্রিকালের  
জ্যোৎস্না হয়ে লুটিয়ে থাকে ।

জল বাড়ছে

ଅଜ କାହିଁଛେ, ଅଜ କାହିଁଛେ  
ସମ୍ପଦ ଯୁଗ ଭେଟେ ଲେଖ ଏକାର

জল গড়িয়ে এসেছে কলকাতার ময়দানে  
চতুর্দিক থেকে শহরকে ঘিরে দৌড়ে আসছে ওলা  
লাল, মীল, সবুজ বিভিন্ন রঙের  
পতাকা ওড়ানো অফিসে দুমদাম করে  
ধান্ধা দিচ্ছে জল

জল বাড়ছে, জল বাড়ছে  
এইমাত্র তারা চুকে এলো অফিসপাড়ায়  
বিনয় বাদল দীনেশের মতো দুর্দান্ত সাহসী জল  
লাফিয়ে উঠে পড়লো রাইটার্স বিভিংস-এর বারান্দায়...

For More Books  
Visit  
[www.BDeBooks.Com](http://www.BDeBooks.Com)

